

夢樓詩集

夢樓詩集卷七

丹徒王文治禹卿

南詔初集

甲申初夏由翰林侍讀外除雲南臨安知府得南詔
集三卷初集古今體詩六十七首

將之臨安途中卻寄都門同學三首

都人萃文府翰苑承華蓋曰余生也晚猶及睹先輩朋儕
況燕好旦暮展親愛五年琴酒中一夕雲山外以茲遠別
離彌思舊歡會恨恨岐路間我懷如懸旆

一出春明門黯然風景易衝飈西北來初夏似秋夕夜宿
月窺牖曉發露沾陌人跡與雞聲暗記夙所歷道逢同年
友同年錢農部勒馬話疇昔王程各有限僅得斯須立

穀差竣還都

憑君語故人爲我慎眠食

少年負壯志好爲萬里遊挂帆東海東直渡大琉球歸來
視江海一線杯中流今茲典一郡遠在滇雲陬山川入奇
懷結習如相投所愧材智薄臥理殊難周倘有簿書暇勝
概猶能搜故人幸起予早以瓊瑤酬

李隨軒聞余有滇南之行自滄州來都話別

我生大江上君長直沽濱一爲同年友結契如同根官曹
雖間隔門巷實比鄰散衙日過午呼酒月照軒當時意氣
盛謂得常相親元白膠契漆孟韓龍逐雲稍得畢婚嫁便
期謝簪紳同遊天地間嘯傲稱酒民古來冠蓋地微逐多
紛紜凌雲盛甲第日夕勞蹄輪甚或相傾軋巧搆貝錦文

安得如爾我坦然任其真亨困志俱樂進退心常伸以茲
相愛重不忍暫離分自君遭大故痛哭返鄉園哀毀欲成
疾骨立肌膚皴中間更遊楚孤舟溯江津秋風漢陽渡落
日武昌門相憐復相望使我頻傷神今年君當來庶解憂
思煩尺書轉寥寂雙眼逾殷勤暮春月之朔 皇帝詔輔
臣翰林儲材地宜試以民人監司及郡守主者悉以聞不
材首應選典郡臨安新萬里自茲始 王程敢逡巡君聞
卽相就策蹇來 帝闈念此遠別情不復辭艱辛是日大
風雨平地愁翻盆敝廬似小艇恐被洪波吞相見乍如夢
相對初無言燭光暗欲燼魯酒薄不溫持被共榻臥待將
衷曲論絮語苦無次耿耿忽達晨晨起治裝具長揖動行

塵親朋自厓返君意彌諄諄後會定何時岐路悽心魂願
君收別淚休學兒女仁舊約倘不渝他日同垂綸

長新店月夜同朱子穎話別

文章格律窮逾老爾汝交期久更深泥滓自看雷煥劍海
天獨鼓伯牙琴無端萬里傷輕別何日扁舟共朗吟只有
盧溝橋上月暫時還照故人心

擬唐人宮體詩四首

曾是昭陽第一人畱仙何處認前身風鬟霧鬢交河路已
過金堂一半春

萬里沙場曉月寒琵琶纔撥玉纖寒臨行苦念君恩重親
得瑤階掩淚看

踏青隄畔雨痕迷姊妹班行鬪草齊
畱得舊家池館在新
驚應向落花啼

蓬萊清淺蕊宮秋天女雲中也自愁
只有夷光差解事功
成能具五湖舟

過東阿縣

千疊峰攢百雉開此邦曾識魏王才
同時徐阮原非敵絕
代劉盧惜後來煮豆肯拋家國恨浮
瓜時舉讌遊杯誰知
異世登樓客卻對空城感綠苔

東平道中見曹竹虛辛巳題壁詩卽次其韻并以
寄曹

前年風雪中送君返鄉里今年暮春天別君鳳城裏單車

走滇南中道靡所止東西感鴻飛歲月驚馬齒舊時歡讌
深離索伏於此他年再相見鬚鬢可知矣努力供奉班圭
璋式朝士

家少林去歲自京師南旋董東亭繪秋帆紅樹圖
誌別同人皆有題句獨少余詩頃過寶應爲補題
之

潞河秋雨送君時望斷歸帆未有詩今日維舟題數字賺
君萬里費相思

舟中與少林夜話

眼底真成萬里人燈前爲我少逡巡紅塵一任奔駒過碧
落誰憐野鶴馴西歸揚州如昨日花開上苑又殘春未知

後會當何處對榻重將此夜論

雨泊露筋祠

五年重過露筋祠欲別蒼苔問米碑門外靈旗風不捲冥
冥煙雨泊船遲

揚州侍潞川招同姚姬傳泛舟至平山堂

雨漿琉璃打夕曛故人載酒意殷勤蒲荷澤國浩如海樓

閣晴天高入雲稍喜近鄉親舊俗

時觀龍舟競渡龍舟吾潤最勝也

似忘

明日便離羣

姬傳亦以明日歸里

何年解紱同來此老占山光植杖

芸

圖山雨後

圖山朝雨霽螺髻擁非煙遠樹圍村落新秧界水田黿鳴

生澗草牛飲隔花川農畝吾家事相違漫幾年

江上晤趙桐門道士

江頭一別六年強別後蹄輪我太忙始信駐顏君有術鬢
絲全未點秋霜

西水驛遲祝芷塘不至先數日逢芷塘於閘門舟
次相訂同至杭州翼日芷塘以他事先行乃約於
西水驛前相見也

吳閫通夜話離情如掌鴛湖擬共行西水三篙看尙遠南
雲萬里意能平窗中岫作橫睂色枕上波爲戛玉聲坐待
涼蟾生又落銀河何處訴盈盈

杭州別雷雷峰祝芷塘二首

紫雲宮闕鳳池秋準擬聯班聽曉籌東帶忽求陶令粟全家都上米顛舟人如五百仙壇見夢作三宵桑下畱舊緒新懷那可說且看落手有杭州

加餐授館其拳拳小聚渾忘是別筵茶竈經安山乳畔龍井茶荷香直送馬蹄前今宵舊雨人雙壁明日炎風路十千

莫笑頻商婚嫁事五湖須及未衰年時芷塘爲媒聘雷峰女爲兒子試生室

桐廬

青山富陽驛白郭桐廬縣雲歸樹林暗路轉人家見退潮波澄明落日峰峭禱俯仰念曾遊韶光惜飛電

桐江待月

待月桐江路蒼蒼起暮思嵐光浮水出山氣借雲滋樹鳥

西華集 卷十 三
渾相識煙波只舊時誰憐來往者新鬢已添絲

自富陽抵衢州舟中口號十二首

富陽城郭倚山橫富陽江流遶郭清富陽人家日初曉少
女汲水波盈盈

清漲爭敲碧玉環連朝煩暑暫教刪篷窗開處不盈尺剛
貯桐廬一角山

百丈爭牽上灘急絲絲直入曉雲輕分明上巳風箏線只
欠賣餠簫幾聲

今日片雲頭上黑驟雨未到風先涼疑是天公作墨戲淋
漓元氣秋茫茫

釣臺高高試一憑臺前老樹垂枯籐莫道此行真俗吏攝

衣猶許謁嚴陵

遠水平黏芳草碧密林深透夕陽紅舟行九曲八盤裏人
在千巖萬壑中

上瀨正苦人力竭忽然帆腹輕風便天公有意誰識得世
間智巧徒紛然

灘到淺時流倍清小舟如在玻璃屏兒童伸手入水底拾
取怪石供盆餅

凌晨坐看山光濃直至夕陽情未慵山靈似愛愛山客更
遣晚雲增一峰

江山平遠是蘭谿一帶人家古渡西雲未秋天先澹澹草
過春日尙萋萋

夢林詩集 卷一
榜人不解發櫂謳上灘叫號如吼牛正是溪風迴萬木灘
聲谷響同颼颼

朱霞散空暎水光天孫暮浴雲錦章此景江心寺曾見回
思一十五年強

過鉛山懷蔣心餘前輩

故人已投紱尙未返邱園而我忽作郡過君故里門漁榔
洞口渡雲碓水邊村此夕瞻瀛署空思雞黍言

鄱陽湖

荒荒水氣沒菱蘆夜發扁舟屢問途風雨浮天帆葉小魚
龍驚曉浪花廳傳聞一夏淫霖甚眼見千家掃地無自許
平生江海客直教心折向鄱湖

分宜縣

分宜山色似嚴州
複礀重巒稱隱流
卻是鈴山堂裏客
匡廬也臥十年秋

袁州立秋

畏日誠難過
今朝覺暑收
灘驚常作雨
樹遠卻宜秋
向晚推篷坐
當空素月流
分宜山色好
直送到袁州

長沙賈太傅祠

湖南秋水半城陰
賈傅荒祠閱古今
但說長沙遷客恨
須知宣室愛才心
日斜人去還幽草
風急天高自晚砧
惆悵靈均同祭祀
江頭楓樹漸蕭森

三閭大夫廟

天教三戶歸嬴政鄭袖張儀俱聽瑩誰知澤畔苦吟身九
死甘心爲同姓殘膏賸馥倍有靈千秋蘭芷揚芳馨漫言
詞章乃末技本之忠孝堪爲經可惜洛陽漢年少才高量
淺空傷悼涉江投賦弔騷魂遷謫雖同不同調著書投閑
爾何人露才揚已嗤先民試問美新貪苟活何如哀郢遭
沉淪緊余疏賤邀殊遇屬草三年玉堂署一麾外擢豈飄
零夢裏春明也迴顧扁舟夜過左徒祠雲慘星昏月墮時
美人不見瑤臺影香草猶聞露氣滋

將至武陵

遠水斜暉接高城煙樹昏塵纓殊未濯惆悵近桃源

桃源縣

聞道桃源洞前溪路可通相望空縣郭何處訪漁翁人外
溟濛樹舟邇淡施風臨流不忍去恐有落花紅

熊蔗泉觀察畱飲湖南署中

經年悵別楚江東誰信今宵綺席同鳳觜竝驚大珠落雞
缸酒滴小槽紅重聞法曲如天上卻憶前遊似夢中我是
江南狂刺史恐廻紅粉惱司空

長沙別何廉察逢僖二首

樓船將渡海儒服記升堂鯨鱷餘生在雲天往事長黃傾
螺淺液紅擎荔枝瓢忝竊論文意纏綿未敢忘

銓部持衡舊霜臺執法新青門曾送別紅藥正殘春楚雨
挈舟過秋風勸酒頻蒲帆明日去浩蕩白鷗馴

中秋辰溪舟次對月有懷宋小巖視芷塘

一點關山萬里秋。楚天楚水暮悠悠。舟如芥子空中過，月作銀濤自在流。把酒定知臨綺檻，乘風何處返瓊樓。不須更聽吹蘆笛，此夜相思便白頭。

馬伏波廟

一代公侯易平生，欵段難江關。三楚盡煙瘴，五溪寒路已飛鳶。跼山愁立馬，看靈旗風雨。夜猶似舊登壇。

舟行

舟行每早起，微涼侵我肌。推窗看前山，雲氣方迷離。空翠一散漫，直與遙天齊。杳然失往路，襟袖沾煙霏。少遲初日出，新紅破碧圓。林影閃霽色，水光漾澄輝。此景頃刻異，一

失不可追箇師欲朝食停橈得徘徊

木芙蓉

蠻方八月猶苦熱一雨始覺煩暑前晚晴推簾有喜色幽
花照水臨眼前一朶兩朶正姝絕半開半斂尤嫣然雨枝
冉冉淚猶濕風葉翻翻鬢乍偏秋葩雖豔異春卉別有風
韻難爲傳穠桃俗李逞妖冶金盤華屋施朱鉛豈如貧女
姱容態天寒空谷彌娟娟我行萬里飽風露只有山色爲
人妍辰州已南萬峰秀浮嵐削翠攙青天未知造化定何
意故置尤物當窮邊卽如此花乃國色凌波顧影殊可憐
仙城不遇丁石主湘浦竝無屈宋攀山涯海角自榮謝祇
恐香色隨雲煙黃州海棠亦寂寞唯與坡老消殘年

玉屏縣晚泊

仲秋天始涼薄暮衣蕭瑟湍溪帶殘雨幽草見斜日城隅
青嶂迴樹杪紅亭出豆架莢初肥花籬蕊猶密此地足清
閒吾生悅棲逸明發又風塵何由慰羈疾

飛雲洞歌

仙人乘雲朝月窟空裏逢逢垂羃歷瓊樓玉宇太寒生一
夜剛風凍爲石不論化狗之蒼飛鳥之赤城頭之黑嶺頭
之白一齊鎖入洞天中蒸作玲瓏好顏色我聞上古小有
天中秋雨滴螭皇煉石補秋碧雲耶石耶誰得知但見虛
空一氣無畱迹普門菩薩出西域欲展慈雲度東國戲揮
花雨結芝幢車蓋亭亭覆其額一南一北位置奇非霧非

煙空靄積飄蕭直欲御雄風連蜷還堪駕雌霓復有匹練橫空來萬丈素光懸絕壁銀河倒瀉溟渤翻盡日神霄喧霹靂我昔渡海窮扶桑雲海茫茫斗牛逼古槎搖蕩日月傍自謂平生奇賞極不圖世內有此靈輿區使我坐臥其間長歎息會看膚寸起空中灑向春疇作膏澤君不見甘霖頃刻遍人間此處高雲尙岑寂

黔中六首

鎮遠孤城外岩堯第一關路穿危石裂秋入暮林殷在昔稱荒服何年啓市閭籃輿高復下度盡萬重山見說窮檐下饔飧不易謀水寒如冷玉田隘似文楸積雨石衣滑鎖雲山黛愁此邦眞瘠土何計解民憂

苗寨依山結由來雜種多刺紋衣綵繚椎髻髮婆娑鷹眼
誠難化鵲音已盡和瘴煙消歇處咽嘶聽夷歌

乍過貴陽郡稍欣景色添煙如閩海碧峰擬蜀山尖籬影
垂瓜蔓春聲出部檐平岡聊騁望薄晚挂新蟾

邊地兵防重郵程斥堠清風催譙鼓急燈傷戍樓明山密
天無縫筇過石有聲振衣千仞上一嘯暮雲平

莽莽林巒合行行僕御勞鳩啼天又暗馬倦嶺逾高北極
雲雙闕東吳水半篙旅窗梧葉雨通夜夢蕭騷

九月十一日久雨晚晴旅館饒有花竹與昆陽吳

刺史暨張葛二秀才同宿因贈

山外依稀透夕陽山行暮景倍蒼蒼涼風盡捲霧三里小

院剛容月一牀篠簜碧於春水色芙蓉紅似美人粧天涯
同是無儔侶莫惜燈花坐夜長

過老鷹崖二首

立鐵陰崖背夕陽蒼藤古木閒脩篁盡將空翠吹爲雨衣
上猶聞掩冉香

坡陀初上日方東不覺幽巖度晚風忽見白雲生腳底始
知身在半天中

初入滇南有作

一入滇南嶺漸平中原回望轉關情濛濛秋雨秋風夜得
得千山千水程昨日羊腸真絕境此生蛇足是微名毀車
恨不從茲去無限煙波釣艇輕

夜行

夜行亂山中茫茫但煙霧忽聞犬吠遙喜有投棲處

平彝縣二首

險絕從過文德關滇雲日日仰天攀憑誰借得愚公力負
盡黔陽萬疊山

馬瘡僕瘁出閒關此去無妨緩步攀只少遙天帆數點滇
濠便是故鄉山

雨夜入馬龍州

黔中犂确無行處日踐荆榛踏狐兔山疑愚叟負將來石
是秦皇鞭不去計程幾日到滇雲便捨危巒就夷路那知
霖雨復連旬頓使平康失其故濁泥五斗似黃河陰霾百

重堆紫霧長途滑滑馬難前短晝昏昏天易暮夜深箚黑
不逢人目眩心忙逾窘步怒濤聒耳吼終風奇鬼搏人驚
遠樹況逢俗吏鎖閒門旅舍爲州牧所屬不得入旋蕪松明借蓬戶魯
酒澆腸薄不溫煖湯濯足魂始附旁人苦羨宦遊樂到此
應悔虛名誤人閒信有行路難中夜長吟少陵句

乍到

滇南風景地乍到我能言山有金銀氣林無霜雪痕懸流
歸海子密霧長龍孫所惜連宵雨清光未到門

望海寺喜晴

望海寺前秋雨晴楊林驛外暮烟輕今宵碧海波心月應
到詩人枕上明

夢樓詩集卷七終

夢樓詩集卷八

丹徒王文治禹卿

南詔二集

古今體詩六首

初入臨安郡

初入臨安郡秋光靄若春吏民休畏我竹樹也依人豆莢
風前嫩蕎花雨後勻無能廩粟簿領政辭頻

紅葉

楓葉冬始丹依山復臨路微雨一迷濛紛如隔花霧其旁
有脩竹翠尾學鸞翥似聞人語聲遠傍炊煙處

山行卽事

半林黃葉半林青半覆山田半草亭朝煙欲斂猶未斂宿

鳥乍啼還乍停

自阿迷歸晚宿漾田贈圖州牧

寂寂半籬花寥寥人幾家夕陽隨去鳥古戍有鳴笳歇馬
松陰靜依牆山翠斜長官清似水還遣送新茶

異龍湖

異龍湖水色一碧到城東小艇浮烟外連山入鏡中湖心
有邱阜樹影復朦朧因念焦光洞巖花幾度紅湖心小山頗有金焦之意

石屏寓館同劉石渠同年夜話

階前涼月似波明屋角青山似客清把酒細論前度事懷
人重感隔年情箐林夜雨添銀鬢椰色春風望玉京坐久

遙聞傳漏鼓瑟瑟錯認九衢聲

過通海贈朱令桐野桐野曾入翰林改官於此

臨安冬月如新秋晨寒午熱行旅愁疎林殘葉未全墮馬上飄飄時打頭我來行郡固其分卻勞手板迎道周先生縣郭海之陬先生官舍眞漁舟堆牀空有舊文史窗櫺紙破風颭颭去年此鄉遭震仆片時并邑成荒邱蠲租發帑厘宸慮邇日始覺人煙稠先生敲朴懸不用竟欲手與摩瘡疥邊民雖愚亦易化赤子要在誠爲求此意俗吏那易曉止堪爾我心相謀君本上界神仙儔鳳池一奪不可畱低頭下氣理民事方隅亦紓聖主憂玉堂舊侶盈瀛洲通明朝罷瑞靄浮鸞鳳日夕鳴相酬欲往從之道阻脩

其君回首心悠悠

宿黃泥哨在石屏州西百里

小河底低釜底蟠黃泥哨高碧漢端簪林夾水瘴烟熱山
月出雲邊氣寒茅屋三家人不住瘴甚故也明星幾點燒初殘
自誇俗吏還非俗松樹陰中候上官

所見

落燈風後月猶圓隔竹人家笑語傳誰補滇南風土記攀
枝花下打秋千

龔儀可太守自雲南遷鎮元贈行二首

峨嵋千丈碧嶙峋曾結茆菴錦水濱名士未除豪俠氣神
仙重現宰官身卅年判事欽先見萬里相逢似故人便把

滇雲方渤海閭閻何減漢時春

大吏綏邊借一籌春風催發五驂駟量移不盡煙中路坐
嘯應登月下樓人到中年逾惜別天連荒徼易生秋五華
山色昆明水歲歲花開憶舊遊

聞歌

毒卉蠻花漫闌妍迢迢煙霧九夷天尊前解唱江南曲不
是何哉亦可憐

曉過通海

遙山初日出光射杞湖煙水氣虛涵郭林暉淡接天折花
蠻女姘憩樹長官賢嗟爾朝耕者休荒近海田

旬苴關

疎雨纔過後斜陽未歛時穿林燕雀喜歸隴牛羊遲而我
苦于役解鞍方在茲那能不相問隔崦有東菑

江川道中

山連暮海雲樹補春山缺惆悵木香花日暮飛如雪

花紅洞禱雨

斷斷續續殘更鼓捰捰穿山路斑斑駁駁天上雲整
整斜斜洞口樹傳聞此地古龍宮有亭翼然欲飛去幽潭
詰曲逼雲根凜冽令人難久住老魚不動瘦蛟蟄咫尺還
愁起煙霧雷車乍鳴山谷陰雲旗欲翻風景暮墨花爲雨
事有無寺僧言康熙間龍神以硯池水何不傾盆慰黎庶
行雨雨皆墨色乃建墨雨菴晚來顰借僧寮居梵唄遙從林外度妙香燈影夜眠醒風

露空山如有悟

花紅洞禱雨與同年吳景儒會宿墨雨菴話都門
舊遊并永昌近事二首

回首家山綠萬層思鄉懷舊_公難勝經帷記聽尙書履_與
_{景儒俱出大司寇秦}法界初殘古佛燈洞口飛英猶待客
_{公之門今公下世矣}
檐前怖鴿解依僧來朝簿領堆春筭再續清遊問可能
蘭滄西接古哀牢千朶芙蓉插漢高名將風雷會嘖咄逐
臣詞賦最蕭騷前塵等是鴻泥過噩夢難禁馬足勞若使
癡龍會行雨分君一滴浣征袍

書劉明府江川雜詠卷後

劉君本寒素萬里宰邊邑有如元魯山冰蘖常一室新詩

紀風土悉是身所歷牛洞春鳴泉漁溝秋長荻晨聽雲寺
鐘暮憩海門石種柳護池隍蘇禾引溝洫非緣急民事軼
掌誰所殖風塵得秀句亦足療羈疾如何席未煖更捧燕
臺檄西風吹漢江渺渺滄波夕舟前見明月知我愁思積
書洛神賦冊子寄錢景輝綴詩卷末兼以奉懷二
首時景輝僑居金陵

數行淡墨寫筠箋寄自青山盡處天報與故人須鄭重遂
良鬚鬢不如前

一十三行似畫沙吾家子敬最風華因君振觸江南意桃
葉春波日欲斜

陳望之自廉州寄詩見懷賦答

簿領堆中漫一年
晴窗攤飯不成眠
春銷蒙段殘雲外
書到羅浮曉夢邊
同是天涯予更遠
由來人事古難全
煙霄莫問諸同學
鈴索花枝露正妍

題畫梅贈徐太守歸里

蘭芳如美人
梅寒似畸士
僵臥風雪中
傲然不肯起
孤心照明月
遠思寄流水
一枝斜固好
亂插繁逾美
昔君空山中
和雪嚼其蕊
餘香散不盡
三日猶在齒
邇來苦風塵
清味索然矣
羨君外世榮
歸棹行自理
鶴返孤山雲
帳學羅浮紙
攀花倘相念
無忘煩驛使

農家

漫道滇南是極邊
農家風味故依然
新秧嫩似春前草
遠

水青于雨後天村婦饁餘分犬食山童牧倦任牛眠自慚
驛路空來往又領官中月俸錢

行蒙自縣郊居人以葡萄爲獻乃酬以詩二首

紫實離離綠葉揚青荷爲藉竹爲筐金盤華屋尋常薦不
似田家風露香

丹荔朱櫻下九天詞臣清切拜 恩偏而今萬里猶能記
馬乳西涼入貢年

個舊版

滇中山色半粗醜草樹稀疏如禿叟伊誰掃出萬螺青莫
是仙人鳳尾帚由來此地五金聚寶氣潤於膏沃首天晴
朱碧耀泥沙夜靜虹霓貫星斗遠人驚利紛沓至邇競芟

茅安井曰頓令空谷成市廛鈴駉駢闐車轂走朝來萬指
事椎鑿地脈山筋十斷九洪鑪鍊冶無休時時見霏煙散
榆柳豪商大賈裘馬輕硲戶砂丁衣面垢眼前咫尺分榮
枯何必朱門與蓬牖卻怪山靈不自愛韞璞藏輝豈難守
故將財貨眩愚蒙自取鐫劖求擊拊至人不貪以爲寶填
渠溢岳吾何有

商寶意前輩來守雲南喜晤有贈二首

當時典午到江城

先生曾爲
吾郡司馬

文酒從容報政成蕭寺尙留

攜杖跡部民都識詠詩聲雪鴻衝破天如幕金馬還疑署
是瀛莫訝相逢便相狎廿年前已熟才名

謾道籌邊鶴鬢凋風懷猶自未全消水晶環綰紅絲結翡翠

翠牀安碧玉簫詩到秦淮九綺麗人來叩映太迢迢與君
一夜論今古便是雲天聽九韶

題朱桐埜前輩寄亭

省識身如寄空亭聊可居官衙原傳舍天地亦蘧廬竹氣
拂雲冷林煙倒海虛未須投紱去已自狎樵漁

爲徐鷺野刺史題畫

遙林晴際天新漲春平堰波如熨縠柔山似脩眉婉空裏
見樓臺竹間啓亭館檀欒數萬个不受一塵泥露墜散珠
璣風來響箏阮天閒惠風暢人澹夕陽遠一雙白鷺飛界
破青夏晚

雨後池上

殘荷經雨後一朶映波明澹月欲無影落花微有聲蛩吟
間簷鐸螢照觸簾旌忽覺秋期近涼風衣上生

山雨

杲日未沉林驚飈忽衝岸山雨欲來時海波黑一半

同朱桐埜明府遊秀山四首

一到棲禪地都忘塵世喧清風通竹所落日淡柴門龍跳
詞人筆鵲啼帝子魂

山寺有天下大師像及楊升菴先生題壁壁今圯矣

不堪懷古

意搔首望中原

此郡邱樊勝水城同杞湖

石屏州有大水城小水城

風迴雲窈窕波靜

月虛無白日誠難繫青天似可呼相看同調在萬里慰羈

孤

蕭灑臨幽澗，遲回度曲廊。空階桂花落，古殿柏根香。雨歇苔猶滑，雲歸洞愈涼。只愁風日暮，山鬼倚脩篁。

攜杖覓歸路，山腰見寄亭。

桐野所構

風前重啜茗，石上坐談經。

潘縣花仍發，蘇隄柳最青。他年誰好事，爲補數行銘。

送永昌太守朱怡然歸里四首

萬里無端此送君，碧雞關迥望無垠。循良名乍傳丹陛，琴鶴裝旋指白雲。鷗性自諳秋水淡，馬蹄斜踏亂山曛。烹鮮老手無多在，不獨同袍惜離羣。

兵開北府截江流，家世南徐駐碧油。旌節高凌滄海日，屐幫吟遍暮山秋。宿經桑下寧無戀，帆到風前不易收。昨夜樽情話久渾忘，街鼓到僧樓。

六詔風烟入永昌青山莽莽日荒荒漢家戰壘畱諸葛禹
貢餘山限益梁寶井有光通緬甸鐵橋無路渡浪滄憑君
未信籌邊苦只看秋來兩鬢霜

轅門鼓角捲長旗茅屋炊煙出短籬仁者本無分別性功
成元有退休時赤城黃海俱前夢碧澗青松指後期回首
平生遊宦跡豆棚合語老農知

賦得萬里共清輝擬試帖

皎皎中宵月迢迢萬里情關山秋一色人影夜雙清露白
榆邊戍風高柳外城微雲消點綴斜漢界分明羌笛誰家
曲寒砧到曉聲晴光隨客遠涼意與波平蓬閫非無路江
湖不計程九霄多處望消渴爲金莖

試院中秋夜雨不寐次勵自牧前輩原韻二首

巡檐空自數更聲如此良宵不放晴
雨浥花香撲簾幙窗分樹影露燈檠
日邊往事還如昨天外逢人倍有情
久待不須成悵望清光從古幾虧盈

我欲乘風歸閬苑誰能把酒問嫦娥
涼添玉宇沉沉夜雲隔瀛洲綠綠波
夢裏洞簫猶有字人間散序已無謳
紫芝回憶天階路銀漢三千未是多

商寶意前輩招遊近華浦

太華峰插層霄孤下有萬頃昆明湖
嵐光水氣雜林樾隔浦但覺青模糊
浦上樓臺幾時建朱闌碧瓦臨芳甸
海色茫茫鴈影寒夕陽渺渺漁歌遠
雲南老守能好事載酒烹

葵情繾綣百觴不用羯鼓催遠岫橫眉自能勸晚來明月
照歸舟楓岸蘆汀一片秋忽疑身在江鄉裏箬笠蓑衣尋
白鷗

送迤西李觀察 予告歸里二首

某山某水釣遊時投紱重來鬢未絲不用屏風求畫手

主恩先 賜二疏詩

觀察官山左時蒙過二疏里

賜

筇支秋竹冰霜健僎剪春蔬風露香猶有渝州古時月半

輪江上照歸航

觀察渝州人

老嫗解詩圖

談詩何必向詩人白傅揮毫別有神此嫗若知天寶事一
篇長恨也傷春

夜行晉寧道中

塵務苦煩促出郊如酒醒雲光輕逗月水氣澹涵星山豁
天空濶村深樹杳冥誰家夜春處燈火隔籬青

勵洗馬試竣還都余塵事匆匆未及一言爲別頃
洗馬抵黔中辱書見問因以長句裁答少敘離悰
并一示都下諸同學也

伴直蕭蕭老浩然

余未第時洗馬直
閣開閣約余與俱

三廳鈴索袂重連玉

堂花影仍清晝銀管詩題尙碧牋暗數舊遊成再世從今
小別抵千年雲深漸忘臨霞路多謝羣仙問謫仙

仙女載花圖

大瀛風暖浪作花蕩一色青無涯何來世外傾城容

得紅芳渡瑤碧一葉舟如花瓣輕掣舟人似花娉婷緩篙
柔艣雲爲幔彷彿浮槎出銀漢此去蓬萊路幾千催花有
檝東風傳仙家四序俱融漾秋艷春葩一時放花花葉葉
紛嫋殷中流倒影落人間人間遙望駭莫辨只道彩雲空
裏現聞說麻姑雙鬢青諸花爲賸邀方平芙蓉城闕花如
簇芳卿瑤英最清淑神仙未離色界天幾時能了花因緣
是花非花費叅悟水中之月荷盤露維摩多病臥閒堂滴
粉團香結習忘楞伽半卷消清晝便抵天花作道場

歲暮遣興八首

碧雞關外又經年僕馬如梭未息肩事有程期愁日晚胸
多憂樂損天全經霜白菜肥腩肉貼水青荷影似錢

臨安氣暖

冬月已卻笑衙齋真傳舍此間曾得幾回眠

一卷莊周坐臥攜參差物理漸堪齊故衫經洗色應減新
婦作羹顏自低淮海橘憐終未化會稽雞豈不能啼浮槎
忽憶十年事萬里青紅氣作蜺

前明議禮有孤臣六詔風煙寄此身婦孺盡知張桂佞文
章未要李何論鴻過通海無餘雪通海有升菴先生題壁今地矣水隔

羅江不到春興郡殊恩非謫宦敢將詞賦擬騷人

郡城樓接暮山高壤錯交謂交趾攬老攬是南掌國別部入不毛貨出

駭雞通稅權貢來香象護繆綰卽今屬國聲靈懾從古巖
疆控制勞莫道書生無膽氣諸蠻酋長走犂刀

憫農曾記設齋壇早戴伊耆蜡祭冠歲儉減租寧有補春

來添線喜無寒
蕎花被野微紅
粿豆莢依村遠
綠寬便與官家
作田畯兒童休
作使君看

在泮飛鶚音已
和無端洱海有
驚波羽書征調
朝馳驛鎮騎騰
驤夜渡河鳥怖
須教集林木馬
疲難說畏陵坡
壯猷元老今方
叔早晚春風秋
杜歌

冠裳每念都人
士煙水難忘舊
里閭左掖梨花
朝散後西津桑
影社來初玉堂
擁被聽春漏僧
舍圍棋聞夜漁
望闕懷鄉俱萬
里虛窗寒月渺
愁予

廿載前聞商司

去馬

寶意前輩

詩才雅麗逼西
崑那知天末稱

僚友復此花間
共酒尊老去篇
章逾矍鑠狂來
絲管倍溫存名
山結習應相似
何日商量畢嫁
婚

書黃庭內景經冊子寄祝芷塘吉士

瑤島前身夢琪花隔世春聊書玉清語寄與蕊珠人

夢樓詩集卷八終

夢樓詩集卷九

丹徒王文治禹卿

南詔三集

古今體詩八十一首

宿北古城

雨聲夜到旅窗前
曉起花枝尙泫然
遠岫最宜新霽色
行人尤愛薄陰天
暖浮麥氣將生浪
潤著桑柔欲化烟
莫遣啼鶯報春思
幾家夫壻正防邊

南郭

晉寧南郭外
野竹自成林
風過戛鳴玉
似聞流水琴
綠天春有露
白晝淡生陰
而我栖栖者
于茲清道心

倉卒三首

倉卒征南下碧油初聞衽席過
貔貅服牛未定輸糧策縛
虎先爲入穴謀豈料空拳真遇敵
當時一飯勝封侯星橋
火樹張燈夜羽檄飛馳正未休

屬草爭傳用左徒登壇高議日紛如
謾言蛇鳥親臨陣已
覺螳螂敢抗車虎旅不遵孫武約
鯁生空誦趙奢書夷酋
一隊聞堪仗娘子孤軍直擣虛

蘭池笠鼓舊聲名一肯何嘗替孟明
軍政纔聞誅後至將
星忽報落前營九龍移仗邊風急
雙鵝橫霄塞草平可惜
希文窮塞主長天落日閉孤城

過普菴畫墨梅一枝於壁因題

梅花樹下與僧期旋染隄塵寫折枝
卻憶去年花放日無

人看到月斜時

滇人以夜合花入饌

清明改火節新綠到鄰家枕上朝來雨牆陰夜合花厨人
和露採一樹帶烟斜寄語湘波客餐英未足誇

題畫

沈寥秋氣與天平山下池塘十里清枯荷不動雨初歇郭
索夜深沙上行

三月十五夜登雲龍山宿舊寺

籃輿輦确尋樵徑緣葛捫蘿天已暝適從人海會中來路
轉山腰一聲磬隔嶺村烟隱復見臨風泉響驚還定也似
昌黎山石詩黃昏到寺燈火靜佛界真空卻有色蒼荀花

開如玉瑩不須更禮古先生空翠盈階足生敬僮僕立寐
倚牆壁山僧供客謀盤飣而我開門坐大石冷逼衣裳露
華淨誰知此地最空明萬里無雲月端正

舊寺晨起

萬山深處憩征鞍山翠重重枕上看燕語一聲春乍曉蟾
輝永夜夢猶寒樓居便有仙家意雲臥方知世界寬莫怪
臨岐更回首簿書叢裏脫身難

春日懷友效右丞

幽居耽老易終日掩荆扉曉起林鶯喚始知春又歸雲心
天外遠草色雨中微日暮相思曲因風寄素徽

賦得五月鳴蜩效試帖體示郡中諸生

夏木千章靜新蟬五月鳴音隨涼吹遠響曳別枝輕草閣
過朝雨江城放晚晴綠天濃欲滴碧露淡逾清抱葉原無
恨吟風似有情北窗人未醒當晝莫相驚

賦得千里駒

一秣能千里名駒自不羣才堪周地用精本應天文骨峻
如森玉蹄輕欲箭雲邊笳含朔氣塞草帶斜曛貢憶文皇
卻嘶應伯樂聞不逢眞壯士甯與共奇勳

賦得腐草爲螢

招涼觀物化腐草有生机尙染萋萋色遙含箇箇輝窺簾
新熠燿緣岸舊芳菲柳閣迎星動荷池入雨微形纔離碧
砌光已點朱扉莫遣輕紈撲猶思繫馬歸康成春結帶車

允夜垂幃欲向前因證應從河畔飛

瑤生曲

蒙州刺史愛名花遠自江南植海涯綴玉懸珠凡幾種關
心一朵艷朝霞春風曾記當筵見下馬張燈旋開宴恰恰
林間谷鳥啼涓涓花底流泉轉刺史求民苦太勤緣勤卻
被上官嗔太守權輕救不得早時白簡到 楓宸絃管生衣
雅歌歇清宵無語涼蛩咽更遭勢力橫相干憔悴花枝泣
秋月萬里邊關朔吹寒九龍江水起狂瀾羽書日日徵兵
急烏道家家轉餉難尙書憂國驚無措一劒翻將 主恩
誤旋看使相繼邊籌甫見蠻渠成內附使相乘秋開不賓
重延賢俊共功勳君才本是豐城物豈有虹光不上雲曼

胡短後晨裝飭菱弱花嬌攜不得便呼絳樹出雕欄卻向
鄰家送春色自古金尊爲客開休燈擁袂不相猜平章風
月須關學檢校鶯花亦費才顧我竄荒阻歸計鬢絲如雪
茶煙細方將開閣放楊枝何暇濃書記唐字見說渠儂有
法緣紅窗偷誦貝多篇唯應示疾維摩室小試天花有漏
禪

題五華山寓樓

官僚至省會如入海會場拜謁勞筋骨徵逐費酒漿繫予
臥病者偏宜借僧房高樓一騁望心眼俱開張太華高巍
巍昆明美洋洋疎林與斜照併入秋天長臨窗安筆硯面
壁啓書囊閒來拂素紙黃庭兩三行至晚忽薄陰浮嵐蔽

山光月痕或逗漏雲氣惟蒼茫微風振林木鏗爾敲琳瑯
幽景一日間變態已萬方夜深始就寢鐘聲猶殷牀寄言
內熱人此地稍清涼

病中得商寶意前輩書訂期中秋前後見過頃病
小愈以讞獄赴省城不及相待抵省後復得寶意
見懷詩爰裁長句以答

空堂臥病謝人事法華一卷聊破睡朝來忽得故人書
上纏綿多少字上言眠食可勝常珍重秋風中人厲下言
早晚便相過月下金尊約同醉那知飛檄忽催人走馬應
官攜襖被蕭蕭古寺過中秋其夜高樓雨初霽暗雲逗出
清輝迥遠岫浮來綠烟積無心達曙倚欄看卻爲懷人不

能寐靡官日與文字疎前輩情於友朋摯君成進士我始

生

先生庚戌進士
余以庚戌生

君守吾鄉我孩穉及余稍長識章句一

讀君詩始嗟異馬卿方恐不同時庾乘而今許連袂清吟
往復信肫懇世務喧卑自牽繫投荒那易聽蹇然他日相
邀識來未夜殘月落罷舉觴耿耿秋心渺雲際

秋夜苦雨不寐

獨夜高樓不可聽聲聲檐溜共殘更癡龍未肯含珠睡旅
鴈空教隔浦驚响叮人稠唯望歲瀾滄路遠尙徵兵江南
萬里思歸客不爲傷秋白髮生

喜晴

陰晦每多愁晴霽便多喜愁喜本在人如何緣物起我心

與之然亦莫知所以久雨得乍晴佳處殊難擬黃紬睡微
覺鵲噪忽盈耳紅窗透朝曦歡如遇鄉里矧當納稼期淫
霖須亟止但聽打稻聲秔香已流齒稍俟秋氣高策杖南
山裏

送李素誠太守唐南屏通守圖斌臣刺史從軍永
昌兼寄龔儀可二首

此行那得久勞師聊爲從軍一賦詩威挾秋霜入金鼓暖
迎朝日上旌旗一時參佐名流在萬里山川指掌宜薄暮
登樓邊草碧仲宣容易惹離思

永昌西去萬重山自古誰過鐵壁關受吏頻看筐篚人論
兵偏覺帶裘閒善教絕域歸三箭何假虛文嚇百蠻爲問

前驅賢太守

調儀可

應忘紅粉計刀鐏

對月懷館閣諸子

清光幾萬里墮我最高樓樓高不可望煙靄暮悠悠玉女
雲霞牖仙人麟鳳洲迷花三歲別日夜鬢毛秋

碧雞關

一片昆池水西來又幾灣晨風黃葉岸秋雨碧雞關山密
雲生易泥深馬渡難丹砂尋使得亦自損朱顏

九月十三日同張壽雪遊近華浦三首

重陽期已負重作拗重陽菰葉新經雨芙蓉未受霜樓臺
秋寂寂人代鳥茫茫借問西平第高原落日黃

叩雙風煙外憑闌勝概分昆池千頃玉太華一峰雲鷗泛

偕新侶鷁行有舊羣神京何處望秋色浩無垠

自憐湖海興對酒尙依然簿領抽身出林巒放眼顛烟花
愁遠道絲竹感中年皓魄如冰雪歸時正滿船

汪丹崖太守以普洱茶數種見惠詩以謝之

諫果回而甘薑桂搗而辛雖非和平性風骨似正人東坡
第茶品獨取建芽新謂其類汲蓋慤猛各有真豈知普洱
產苦硬尤通神澀如誦盤詰清如臥松筠又如嚼梅花水
雪含先春由來瘴癘鄉此品誠絕倫汪子愛緘默堪與靜
者論三年守思茅寡喜亦寡嗔去年官軍出邊徼驚霆震
居人獲安集維君翊贊勤成功不自伐步武何循循異茗
持向我開緘白於銀呼童安竹鑪活火手藝親一酌解煩

渴再酌生玉津酌罷忽有會兩言願書紳變茶緣耿介友
子爲溫醇

再遊近華浦

花未開殘酒未消碧琉璃水打雙橈分明一幅江南景只
少衣香簇畫橋

海門橋

螺螄鋪接海門橋一碧秋光到岸遙岸上行人趁斜日新
黃葉外馬蕭蕭

官舍

門開日對北山岑官舍閒如僧院深松勢含風秋謾謾池
光受月夜沉沉老知好佛非關佞倦欲拋書略懣淫忽聽

排衙傳急鼓始憐身尙未抽簪

臨安諸葛祠

七擒偶爾効驅馳千古夷疆徧有祠
羽扇從容遺像在松林庵暍曙光遲
同時未信比管樂異代空勞況呂伊
生亮問天緣底事故畱單劫向殘棋

張壽雪以佳筆見惠并索余書報詩二首

開囊贈我比璫璵鼠穎雞毛兩不如
他日相思煙水外將君筆寫寄君書

遂良卽日須眉白逸少當年感慨多
我亦風懷渾欲盡懶將銀管仿曹娥

丙戌除夕得商寶意前輩元江度歲詩丁亥元日

次韻裁答

久學忘機惜未專聊因示疾得安禪
郵筒詩句來除夜羈宦心情似舊年
炎瘴可銷三里霧元江瘴熱冬日不解
蠻天捷書知奏甘泉去好拭雙眸看靖邊

普庵僧有看梅之約予奉檄至省賊未之踐也

驛路江南冰雪魂年來無夢到勞人應官聽鼓凌晨去孤負梅花又一春

關索嶺

陰崖盤百軌雲氣冷巖扉度盡重巒險
回身看翠微千山棕葉瘦一雨豆花肥
昨夜邊書到征人半得歸時檄停續調兵練

呈貢曉行

幾家茅屋似漁莊數畝平田綠未荒馬上今朝觸詩思青山缺處見湖光

宿腰站

昨過安寧州故吏候上官堆盤餽酒食對案不能餐今夕投荒村杏花山店寒晚菰煮白水淥淨如琅玕脫粟香出甌粒粒珍珠圓我本藜莧腸見之諧夙歡飯罷還自笑結習殊未刪鼎食侯門豪簞食儒生酸苟無分別性應作平等觀舍彼而取此終嫌取舍煩不如且就寢黑甜魂魄安雞鳴復登程馬頭霜月殘

石雲菴

斷壁作人立幽篁雜雨斜雲中藏紉字牆外見梅花謝客

虛聽法周頁擬出家邱樊如舊識不信是天涯

響水閣

驛路通昆海巖關控楚雄淙流千澗底古戍白雲中山瘦
橫飢鵲橋懸臥渴虹

關下有翔雲橋懸鐵索爲之

西征輪輓重早晚奏

膚功

蜂房

匠無大厦居農乏膏粱食蠶拙不得錦蜂釀不得蜜惟蜂
亦不知辛苦性所適香尋曲徑溪衙列懸巖密花妥新紅
糝露重嬌黃濕此方無春夏秋冬四季花姬嬪幽寺聞蜂聲春
意殊鬱勃因思古賢哲貴勞惡耽逸力作而食人昆蟲猶
職役嗟我一贅疣罔知耕與織雀鼠盜太倉慚汗胡可拭

止練

土練卽土民徵調非得已去年平莽役倉卒失其紀中夜
軍帖下兼程赴敵壘都督令三申太守符一紙軍法如霆
雷迅疾靡寧晷褭頭以布巾纏腳以麻枲標槍刃非利環
刀短難倚平時無律伍此日強鞭箠可憐九龍江伏屍塞
流水縱或逃亡歸瘴癘薰膚髓孟良及整欠內附良

但知官兵功誰知土兵死平莽役告終平緬事伊始上相
憤臨戎小醜何足齒欲以少克多投誠戈卽止那知化外
酋頗覺性情詭乘我以未備風聚如螻螘中道議增兵分
路角而犄兵集練亦偕練給兵驅使由來傷弓禽聞弦膽
卽靡太守勸諭頻就道猶怡憊東風動柳營佳氣入西迤

凱旋將有期坐待窮邊收征調在半塗各遣歸田里土練
得聞知懼怯乃無比少婦迎其夫老翁覓其子椎牛賽夷
神爛醉呼不起從此樂耕耘春疇麥花美

送同年劉石渠檢討赴都二首

故侶南來獨有君春風復此悵離羣明晨冠珮朝 雙闕
有客江湖望五雲夜短黃雞催秣馬月高碧海憶論文荒
寒官廨如僧舍從此蹇然不易聞

蓬萊一別幾經秋叱馭空爲萬里遊新婦羹湯憐未慣舊
巢泥印笑仍畱塵沙袞袞無停足霜雪蕭蕭欲上頭鶯友
南臺如問訊只言領郡尙風流

鸚鵡關見杏花

黯黯春陰淡淡風疎籬斜逗杏花紅一枝怪底明人眼鸚鵡關前萬綠中

姚州逢張午橋夜話

見爾意飛動可憐霜鬢侵雖非千里別爭奈隔年心氣骨銷仍在風塵味其禁無家歸不得不是怕抽簪

雪後遊青華洞

一夜虛窗明曉看庭院白水玉上須睂清寒沁肝鬲夙聞青華洞名字標靈筴此行雖倥偬交臂胡可失黶黶雲君降蜿蜒神龍入千盤孰能竟萬竅誰所穴天公鑿玲瓏偶爾爲戲劇遂令虛空處髣髴仙人宅三茅吾故里瑤草知堪掇無由毀車馬歸去學高逸積素滿前山斯須遡風立

次日趙州復雪用前韻

入世衣化縑旅行鬢添白布衾每蒙頭魯酒唯到鬲昨朝
展遊眺得句藏行笈今朝一騁望更訝雙尖失雪影旣迷
離雲氣時出入矇矓吹鶴羽虧蔽凍猿穴投荒困炎燥遇
冷翻喜劇安得子猷船徑造袁安宅趙州機鋒迅喻法如
俯掇須知離世緣不待事棲逸渠儂會也未且向空山立

點蒼山二首

出守初來金馬關意中每有點蒼山誰知紫翠千峰影直
落澄空一鏡間漁艇時看帆狎獵龍盤最愛樹嫫殷山中
有龍
樹上方聞說通西竺已製團蒲惜未閑

城中朝暮見氤氲一半樓臺礙夕曛雞足數峰堪俯視峨

眉獨秀欲平分日光閃爍四時雪風力盤旋萬朵雲卻笑
山靈難忍雋故將文石惹樵斤

楊升菴先生寫韻樓

點蒼山翠點書帷寫韻樓高俯海湄自要文章傳朕詔不
嫌張桂太傾危脫靴內殿吟詩日灑淚朝門議禮時同是
蜀人同被放永昌歸較夜郎遲

崇聖寺用黃華老人韻四首

金翰林脩撰王庭筠
自號黃華老人寺有

詩刻

此是耆闍古佛堂圖經紀載未荒唐插空塔影駐雲白鋪
地野花沿水黃

只疑聽法有天龍永夜松鱗振海風山外涼蟾山上雪瑤

光迸射水晶宮

何處煙霞問道邦
兩金高閣洞開窗
沉沉玉珎淨於練時
有野鷗飛一雙

老人投紱臥山館
太守洗苔尋舊遊
畢竟名山夔名士
數行特向劫灰畱

感通寺龍女花

按圖經前明太祖時寺僧無極入
定見龍女過其前極隨至前山女

冉冉入於地中極以草記其處來春遂
生此花極曾以此花獻之明太祖云

天龍夔產如花女
鬢髮酖顏嬌解語
故來佛地闢神通
幻出清馨臨殿廡
三桎亭亭歸一根
花時素豔何偏翻
得道已憑金換骨
多情原自玉爲魂
此花金人言無極通禪悅
心玉瓣借問何如舍利弗
著衣結習尙須除
況復攜之貢京闕
龍

顏有喜賜詩篇龍象重新講法筵世間興廢眞彈指花未
開殘人代遷我來不及見花放綠陰滿地增惆悵卻喜山
僧害一枝擎來空色雙搖宕此花秋日始開寺僧將隔歲
花養於地窖雖寒不落也
搖宕春風二月時銀蒼玉珥照芳姿只愁化作明月去珮
環唯聽天風吹

垂柳篇

蕩山寫韻樓有楊升菴先生垂柳篇刻於壁次韻
一章

江南二月三月時柳絲裊裊東風吹綠草長隄迷霽景紅
樓斜日隱芳姿此間荒服非旣甸蒙段初平開郡縣春光
縱復到邊城不似青溪板橋見太守官貧如馬曹哦詩空

禿中山毫可憐臥閣欲生肘

用莊而誤本摩詰詩

那記金門曾染袍

咸都才子投炎霧顧此婆娑感遲暮風流非復晉殿看眉

嫵從教楚宮妒淪謫回思前度身移根上苑幾多春莫爲

先生悲萬里千秋屈賈例風塵永昌軍士西征遠

時有平緬之役

歸期盼到濃陰晚誰弄關山笛裏聲月明正照羊腸坂

天生橋

何人怒拔純鉤鑊斫斷生鼇成兩截驚濤如練瀉中央終
古奔騰流不竭巨靈伸臂出支撐獨力欲補厚地裂天哭
菊睨似不平大吼一聲成霹靂噴雲噓玉濺虛空誤使兒
童拾珠粒大道風烟連永昌青山萬仞森劒鋌百川東之
此西注束縛洱海趨浪滄鐫刻信是鬼神力幽暗疑有蛟

螭藏絕壁雄關建瓴勢一夫守隘無能當卽看緬酋就斧
質明年茲路增梯航

宿下關

風餐露宿老塵顏鶴影鴻泥半就刪到此忽生桑下戀回
頭難別點蒼山

曉行卽事

朝曦欲透樹猶暗宿雨剛收烟尙寒梨花白白桃花豔一
樣春風兩樣看

楚雄郭外桃花

邊地驚春早桃花滿眼紅晴霞迷白郭流水淡東風萬點
柳陰外一枝籬逕中塵纓不可濯仙路若爲通

廣通道中得郡署信知春雪及時豆麥滋茂喜而有詩

炎地冰霜少邊民積貯空山中三尺雪茅屋一年豐病守方于役披書量成功天桃如解意笑靨向人紅

再過石雲菴

去日梅花開回日梅花落松院閉門深斜陽上高閣

安寧道中卽事

夜來春雨潤垂楊春水新生不滿塘日暮平原風過處菜花香雜豆花香

安寧州溫泉用壁間劉制府韻

飛巖出雲雲不流洞門竹木深且幽其間煖谷泛靈液至

陽發地誰所漱華清清潔略似此彼依都會茲荒陬方塘
鏡面止不動著膚溫膩如膏油雖無疑脂沐恩澤一洗能
使痼疾瘳天公位置各有在默思此理心悠悠自結華纓
入塵網煩襟暫滌那可求應是多生宿緣在適與清景相
綢繆浴罷身輕兩眸澈月光恰向林端浮招提更聽晚鐘
響片時眞作物外遊

宿雲濤寺再用前韻

驚濤如雪晝夜流涼雲出洞白月幽滿山松籟互酬答直
疑淡澗龍移湫平生游興頗汗漫踪跡半在山水陬偶來
覓句未能寢龕燈焚盡僧家油一官自縛甚蠶繭胸中癥
結何時瘳忽然置我水精域清聲無競雲心悠氣氤妙從

鼻觀領動靜象以聞思求由來靈境似知已形雖濶略神
綢繆大地百年露電過吾身一粟滄海浮臥雲早結遠公
伴御風還偕列子遊

過呈貢懷唐再可

短衣勝袴走驚砂每到論兵氣倍加銅壁清霜高漢幟鉞
橋流水咽邊笳登樓少婦工題句出塞書生可憶家況是
衙齋好春色東風無處不梨花

梨花

白燕舞差池花飛影不知鞦韆春雨後門巷夕陽時香雪
低檐重殘雲引夢遲當年校書館紅上亞闌枝

午風

午風輕捲麥浪夜雨初生稻芽流水聲中鳥語梨花影裏人家

永昌軍營口號

好俠曾爲渡海吟鬢邊忽忽見霜侵關山倚劒沙場月二十年前舊壯心

定西嶺

小雲南驛平如掌定西嶺出層霄上天公有意逞奇秀布置凌空費營想胸藏萬峰不肯吐先向平原試宏敞如鵬斂翼虎斂牙儵忽翻飛勢無兩盤烟折霧入虛無削黛攢青插決潏星辰在天仰可摘雲濤匝地空能盪卻登絕頂望人間都邑川廬成惆恍風塵肌肉久黎瘦聊借清暉以

爲養身隨樓閣占高寒
眼逐林巒暫蕭爽
隔竹忽聽官馬嘶
下方回首徒奔鞅

再宿下關東屠鴈湖明府

天梵高樓午後鐘
春初曾此叩南宗
詩題綠竹雲猶濕
屐印紅英雨未封
詞客從軍多感慨
故人相見少從容
舉頭只覺堪君羨
管領蒼山十九峰

蒙化道中清明

青山如夢曉烟輕
馬上時聞谷鳥聲
絕塞征人歸未得
東風楊柳過清明

打牛坪

軍興原不礙春耕
漬種每每嫩綠生
好煞清明新火後
一

番疎雨打牛坪

永平旅店病臥

于役經三月孤征更萬峰擁衾朝見日不寐夜聞鐘已有
陰陽患寧無憔悴容未能躬灑掃慚愧郭林宗

永平縣

城郭無三戶坡陀有萬山長途通絕域小邑介邊關星使
來何數天兵且未還親民賢長吏良耜莫教閒

蘭滄江

蘭滄江水古今流界破哀牢萬里秋立鍊蒼巖寒雨積飛
空紅徇瘴雲浮蕭騷何必經湘浦嗚咽分明似隴頭底事
弓刀來此地書生原不覓封侯

永昌板橋

永昌人道小金陵小住匆匆記我曾借問板橋春柳色紅樓遮到幾多層

自永昌歸再過青華洞

艱難爲外吏辛苦向兵間拙避時流競生從絕域還青華眞福地碧水洗塵顏欲鍊靈飛術先釀戰血殷

納樓食荔枝

憶余客福州朱夏火雲赤堆盤荔枝熟照眼珊瑚色冰肌彈恐破碧露攀猶濕清馨染指爪甘脆沁心鬲蹉跎十餘年佳味難再得或浸以酒漿或漬以密汁徒教形貌存眞意已全失納樓邇外地景物尙清逸居然產荔枝採摘致

夢樓詩集 卷九
凡席對之聊一擊入口覺酸澀雖非傾城姝風骨差彷彿
追思昔年味默領如昨日如彼鍾王帖手蹟無由覓拓本
有雙鉤筆勢猶可識如彼迦文法正覺無由入爲示第二
月妙諦猶可繹但恐拘於墟以此爲至極須知無上品親
噉味方出萬事何不然臨案三太息

遊納樓潮音寺

梵音海潮音妙音醒諸衆萬行首楞嚴半頁圓通頌此方
原佛地鷲嶺通靈洞世外與世中香華普同供我來暫登
眺萬籟沉不動日暖巖花開時聞一鳥哢稽首聞思尊潮
音何處送薄暮下山來松濤響雲棟

夢樓詩集卷九終